

历朝诗约选

七言絕句十二

元

歷朝詩約選八十四

劉秉忠一首

遠別離

霜落江寒鳴雁稀。倚樓人定怨歸遲。
笛聲喚起山頭月。飛上青天照別離。

郝經一首

儀真館中雜題

只見星簾挂月鉤。銀河依舊隔牽牛。
遙憐玉雪佳兒女。淚滿西風乞巧樓。

戴表元一首

感舊歌者

牡丹紅豆豔。春天檀板朱絲錦。色。賤。頭。白。江。南。一。尊。酒。無。人。知。是。李。龜。年。

龔繡一首

題荆公詩後上有璧社文房印乃吾祖遺書散落者
十餘年前子中第得之書來相報今不能共觀聊
題其後

憶子書來說買書印章驚認劫灰餘。松風小牖秋如夢。澹
墨疏行淚滿裾。

尹廷高一首

楓塘別業

白雲缺處露簷牙。雞犬相聞僅數家。幽鳥不啼林寂寂。滿山黃霧落松花。

馬祖常四首

驪山

玉女泉邊翠藻多。石池涵影媚宮娥。可憐繡嶺啼春鳥。猶似梨園弟子歌。

御溝春日偶城

御溝流水曉潺潺。直似長虹曲似環。流入宮牆才一尺。便分天上與人閒。

和王左司柳枝詞

郎君巧歌楊柳枝。柳眉初出學月支。隋堤千樹煙光暮。不
如柳眉初出時。

題吳娃圖

金蓮燭下看娥眉。應是吳王半醉時。一自館娃宮壞後。仙
魂都上落花枝。

許有壬一首

黃華山中雜詩

挂鏡臺西挂玉龍。半山飛雪舞天風。寒雲直上三千尺。人
道高歡避暑宮。

王懋德一首

上都寄許參政

野草侵階水繞門。西風颯颯雨紛紛。
小軒坐對爐薰冷。卻憶溪南一片雲。

于石二首

小三洞

予所居有小三洞各賦一絕

洞門相對是吾家。朝看煙雲暮看霞。
鐵笛一聲山石裂。老松驚落半巉花。

旅夜

擁爐兀兀坐成睡。夢到家山人不知。
半夜酒醒還是客。一

庭黃葉雨來時

盧集七首

次韻竹枝歌答袁伯長

沙禽東去避網羅。蕩舟相逐如遠何。越山青青越女白。從此勞人魂夢多。

春江風濤苦欲歸。東盡滄溟南斗低。明年白日百花靜。憶爾琴中烏夜啼。

燕姬當爐玉雪清。簫中吹得鳳皇聲。不及晴江轉柁鼓。洗蓋船頭沙鳥鳴。

楊鐵崖西湖竹枝詞載此三詩謂雖不爲西湖而賦而其音節興象可以爲竹枝之

則云

院中獨坐

何處他年寄此生。山中江上總關情。
無端繞屋長松樹。盡把風聲作雨聲。

聞機杼

唧啞機杼隔林幽。夢覺江湖憶舊遊。
滿地月明涼似水。數聲柔櫓過揚州。

次韻杜德常典籤秋日西山有感

每進文章出殿遲。日華西轉萬年枝。
甘泉罷幸揚雄老。滿鬢秋風不受吹。

曹將軍馬

高秋風起玉關西。踏鐵歸朝十萬蹄。貌得當時第一匹。昭陵風雨夜聞嘶。

楊載二首

悼隣妓

西子湖邊楊柳花。隨風飄泊到天涯。青春遇著歸來燕。銜入當年王謝家。

一種腰肢分外妍。雙眉畫作月娟娟。春風吹破襄王夢。行雨行雲若箇邊。
二詩楊鐵崖採入西湖竹枝詞有云我朝詞人能變宋季之陋者仲弘爲首而范虞之次

范梈四首

西谷訪人不遇

出郭幽人晚未歸。青天咫尺見何稀。一年只有春晴好。多事楊花學雪飛。

過三合驛

一春歸計又蹉跎。窮粵風光奈病何。總有青山千萬疊。行人長少鷓鴣多。

清明日畱西山

離家六度見清明。知是何時出帝京。今日登臨倍惆悵。好山多似豫章城。

江上古祠

老樹昂藏倚岸隈。祠靈經歲鎖蒼苔。豚蹄卮酒能多少。便有羣鴉旦暮來。

揭傒斯二首

女兒浦歌

女兒浦前湖水流。女兒浦口過湖舟。湖中日日多風浪。湖邊人人還白頭。

大姑山前女兒灣。大姑山下浪如山。山前日日風和雨。山

下舟船白往還。

鐵崖竹枝詞序曰揭曼碩文章居虞之次如歐之有蘇曾云其竹枝詞惟女兒浦歌

其風調不在虞之下也

薩都刺四首

宮詞

清夜宮車出建章。紫衣小隊兩三行。石闌干外銀燈過。照見芙蓉葉上霜。

醉起

楊柳樓心月滿牀。錦屏繡褥夜生香。不知門外春多少。自起移燈照海棠。

西湖絕句

少年豪飲醉忘歸。不覺湖船漸漸移。水面夜涼銀燭小。越娘低唱月生眉。

題淮安王氏小樓

拂曉樓窗一半開。樓前昨夜浪如雷。滿江梅雨風吹散。無數青山渡水來。

貢師泰一首

題淵明小像

烏帽青鞋白鹿裘。山中甲子自春秋。呼兒檢點門前柳。莫放飛花過石頭。

傅若金一首

平安驛

孤燈夜宿平安驛。欲寄音書無使將。南雁數聲秋雨裏。卻先行客過瀟湘。

陳陽純一首

妙香菴

一棟。翬飛鎖白雲。幾看瑤月到黃昏。龕燈未滅風初定。風挾潮聲到寺門。

吳師道一首

十一月十二日崇文館下私試二十三日。出和張仲舉

官燭風簾徹。夜明屋高人。醉易寒生不知臥。聽蕭蕭雪何似。山窗灑竹聲。

黃清老一首

海子上有期

金隄晴日共鳴鑣。傾蓋松陰待早朝。數盡荷花數荷葉。碧雲移過水東橋。

劉詵一首

宿荷花莊

晚宿山村待雨晴。夜深雲弄月痕明。茅廬四面溪田繞。半是蛙聲半水聲。

余闕一首

贈澄上人

壞色衣裳護七條。手持經卷意蕭蕭。頭陀寺裏相逢後。又

向天台訪石橋。

贈山中道士善琴

山中道士綠荷衣。新抱搖琴出翠微。已與塵緣斷來往。逢人猶鼓雉朝飛。

宇文公諒一首

西湖竹枝詞

奴唱吳歌郎扣舷。明朝郎去有誰憐。恨殺吳山遮望眼。不見江頭郎去船。

潘純四首

贈歌者杜氏入道

夜涼瑤珮玉丁東。月下焚香禮碧空。願。逐。吹。笙。王。子。晉。并。
駢。丹。鳳。彩。雲。中。
簾。壓。濃。寒。晝。掩。門。沈。香。火。暖。澹。氤。氲。舊。時。衫。子。渾。無。用。翦。
作。仙。家。百。衲。裙。

雲。髻。高。梳。鬢。不。分。掃。除。虛。室。事。元。君。新。糊。白。紙。屏。風。上。盡。
畫。蓬。萊。五。色。雲。
此首鐵崖採入
西湖竹枝詞

題趙子固蕙花蛺蝶圖

江。上。青。山。日。欲。晡。幽。花。小。紙。墨。模。糊。華。清。宮。殿。生。秋。草。零。
落。滕。王。蛺。蝶。圖。

陳秀民一首